

KERATAN AKHBAR

JUDUL : SIAKAP KELI

TARIKH : 29 SEPTEMBER 2024

SITASI :

M/S :

Hannah. (2024, September 29). PNM galak rakyat membaca, tegas industri buku kekal relevan di era digital. *Siakap Keli*. Retrieved September 29, 2024, from <https://siakapkeli.my/2024/09/29/pnm-galak-rakyat-membaca-tegas-industri-buku-kekal-releven-di-era-digital>.



PNM Galak Rakyat Membaca, Tegas Industri Buku Kekal Relevan Di Era Digital

Oleh [Hannah](#)
21 jam lepas



Kredit: PNM

PNM Galak Rakyat Membaca, Tegas Industri Buku Kekal Relevan Di Era Digital

Di tengah arus perkembangan digital yang pesat, Perpustakaan Negara Malaysia (PNM) terus komited dalam usaha menggalakkan rakyat Malaysia membaca buku fizikal.

Walaupun dunia kini lebih bergantung kepada teknologi digital, PNM yakin bahawa buku fizikal kekal relevan dan mempunyai daya tarikan tersendiri.

PNM mendedahkan bahawa sejak tahun lalu sehingga Ogos 2024, lebih daripada 102,000 program galakan membaca telah dianjurkan di seluruh negara.

Program-program ini melibatkan perpustakaan di pelbagai peringkat termasuk kampung, komuniti dan negeri, dengan lebih 3.7 juta peserta menyertainya.

Selain menggalakkan pembacaan, PNM juga berusaha untuk menyokong industri penerbitan buku tempatan.

Beberapa inisiatif dilaksanakan melalui kerjasama dengan penerbit dan pemain industri buku untuk memastikan kelangsungan buku fizikal dalam era digital.

Antaranya termasuk pemberian baucar buku, penganjuran pesta buku, sesi pertemuan bersama penulis serta pelancaran buku baharu.

Menurut data terkini, sehingga tahun 2023, PNM telah menerima lebih daripada 33,000 judul buku fizikal, merangkumi lebih 140,000 naskhah.

Tambahan pula, industri penerbitan buku di Malaysia turut menunjukkan pertumbuhan yang ketara, dengan lebih 27,000 permohonan nombor ISBN bagi buku fizikal pada tahun ini, peningkatan lebih 50 peratus berbanding tahun lalu.

BACA: [*Pameran Digital Perpustakaan Negara Malaysia \(PNM\) Diiktiraf Malaysia Book Of Record \(MBOR\)*](#)

PNM yakin bahawa walaupun teknologi digital semakin dominan, buku fizikal masih mempunyai peminat setia.

Bagaimanapun, PNM mengakui bahawa teknologi mampu membantu mempercepatkan perkhidmatan perpustakaan secara lebih cekap dan efisien.

Dengan kemajuan ini, PNM akan terus memastikan mereka selari dengan perkembangan global, sambil mengekalkan tradisi membaca buku fizikal.


KEMENTERIAN PERPADUAN NEGARA
PERPUSTAKAAN NEGARA MALAYSIA

KARNIVAL BACA PERDANA

PERPADUAN MELALUI PEMBACAAN

2024



3 - 6 OKTOBER 2024 **Pusat Beli-belah MyTOWN**
Khamis hingga Ahad 10.00 pagi hingga 9.00 malam

SILA IMBAS KOD QR :



ARTIS JEMPUTAN :

- SHAMSUL GHAU GHAU
- FADZIL KILAUAN EMAS
- KEENA MENTOR

AKTIVITI :

- Pameran Dan Jualan Buku
- Wira Buku, Wira Ilmu
- Idea Tular Penulisan Popular
- Permainan Pesta Buku
- Bicara Penulisan Buku Melalui Media Sosial
- Cabutan Bertuah (Buku)
- Simfoni Perpaduan Melalui Pembacaan
- Demonstrasi Baik Pulih Buku
- Kaligrafi (Melayu, Cina dan India)



Dalam usaha berterusan untuk mempromosikan budaya membaca, PNM akan menganjurkan Karnival Baca Perdana 2024 yang akan berlangsung dari 3 hingga 6 Oktober di Pusat Beli-Belah MyTown, Kuala Lumpur.

Orang ramai dijemput hadir bagi memeriahkan acara ini dan terus menyokong industri buku tempatan.



Perpustakaan Negara Malaysia
on Wednesday



Alami keseronokan membaca bersama-sama Perpustakaan Negara Malaysia di Karnival Baca Perdana pada 3-6 Oktober 2024 (Khamis-Ahad), bermula pukul 10.00 pagi hingga 9.00 malam di Pusat Beli-belah MyTOWN, Kuala Lumpur.

Orang ramai dijemput hadir.

Antaranya pengisian karnival ini ialah:... See more



👍 41 💬 4 ➦ 34

Perpustakaan dan buku fizikal tetap menjadi nadi penting kepada masyarakat, dan PNM yakin bahawa minat terhadap buku akan terus berkembang walaupun di tengah-tengah dunia digital yang semakin mencabar.

BACA: [Perpustakaan Negara Malaysia \(PNM\) Anjur Persidangan Antarabangsa Manuskrip Melayu \(PAMM\) 2024](#)

Sumber: PNM

Sumber : <https://siakapkeli.my/2024/09/29/pnm-galak-rakyat-membaca-tegas-industri-buku-kekal-releven-di-era-digital>